



Publicaziuns dalla vischnaunca, jamna 15

Damondas da baghegiar

2023-1038.000

Datum dalla publicaziun: 14 d'avrel 2023

Il patrun: Casatec Group SA, Via dalla Stampa 8, 7180 Disentis/Mustér
Il representant: huonder bisquolm architects sa, Via da Scola 18, 7180 Disentis/Mustér
Intenziun: Spazzar ils baghetgs existents e construcziun nova d'ina casa da pliras famiglias cun treis habitaziuns primaras
Edifeci nr.: 339B-A
Parcella: 1122 / 1126
Adressa: Via Peisel 15, 7186 Segnas
Zona: Zona dil vitg engrondida (VE)
Zona da prighel: Zona da prighel 2 (blaua)

2023-1039.000

Datum dalla publicaziun: 14 d'avrel 2023

Il patrun: Markus Maissen, Staldenstrasse 58, 3920 Zermatt
Il representant: huonder bisquolm architects sa, Via da Scola 18, 7180 Disentis/Mustér
Intenziun: Sanaziun e renovaziun dalla casa d'ina famiglia, suttametter igl edifeci nr. 373B tenor art. 44 LB a baghetgs e stabiliments prezius protegi cun midada da diever da stalla tier ina habitaziun senza restricziun tenor art. 9 al. 1 ZWG
Edifeci nr.: 373/373B
Parcella: 45 Adressa: Via Salez 19, 7186 Segnas
Zona: – Zona dil vitg (V)
– Areal da habitadis protegi generalmein
Zona da prighel: Negina

2023-1041.000

Datum dalla publicaziun: 14 d'avrel 2023

Il patrun: Patrik e Karin Trüb, Claridenstrasse 7, 8810 Horgen
Il representant: Coray Capaul architectura e habitar GmbH, Via Lucmagn 4, 7180 Disentis/Mustér
Intenziun: Sanaziun energetica digl edifeci nr. 246 ed engrondaziun dalla surfatscha da habitar entras in'annexa, remplazzament dil scaldament entras ina pumpa da calira d'aria
Edifeci nr.: 246
Parcella: 1386
Adressa: Via Clavaniev 31, 7180 Disentis/Mustér
Zona: Zona dil vitg (V)
Zona da prighel: Zona da prighel 2 (blaua)

2023-1042.000

Datum dalla publicaziun: 14 d'avrel 2023

Il patrun: Durschei Fiduziaria SA, Via Lucmagn 7, 7180 Disentis/Mustér
Il representant: architectura tambornino, Via Principala 44, 7166 Trun
Intenziun: Sanaziun dil plantiu e nova partiziun dallas surfatschas da habitar, ord duas habitaziuns construir treis habitaziuns
Edifeci nr.: 690
Parcella: 631
Adressa: Via Parvenda 5, 7180 Disentis/Mustér
Zona: Zona da habitar 2 (H2)
Zona da prighel: Negina

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 14 d'avrel 2023

Uffeci da baghegiar Disentis/Mustér



Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2023-1001.000

Bergbahnen Disentis AG, Via Acletta 2, 7180 Disentis/ Mustér; correctura dalla pista, parcella 2541, Muota da Gendusas, 7180 Disentis/Mustér.

Nr. 2023-1004.000

Oliver Rudolf Kronat, Nell-Breuning-Strasse 20, 60596 Frankfurt am Main, Tiaratudestga; construcziun d'in baghetg annex alla casa d'ina famiglia cun engrondaziun dalla surfatscha da habitar, parcella 747, Via Sogn Gions 11a, 7180 Disentis/Mustér.

Nr. 2023-1007.000

Markus Portmann, Bruggwisstrasse 4, 8154 Oberglatt; sanaziun energetica digl edifeci nr. 167A, engrondaziun dalla surfatscha da habitar, spazzar igl edifeci annex e construcziun nova dall'annexa per diever da habitar, parcella 621, Via Sontga Gada 11, 7180 Disentis/Mustér.

Nr. 2023-1012.000

Sabrina & Martin Weber, Friedhofstrasse 64, 8330 Pfäffikon; sanaziun interna dalla casa da habitar, midada da diever en ina abitaziun, remplazzament dil scaldament en scaldament lontan, nova formaziun dils parcadis ed entradas, parcella 698, Via da Scola 20, 7180 Disentis/Mustér.

Nr. 2023-1017.000

Sennaria Surselva SA, Via Lucmagn 33, 7180 Disentis/Mustér; niev access pil traffic grev, parcella 2883 e 3857, Via Lucmagn 33, 7180 Disentis/Mustér.

Disentis/Mustér, ils 14 d'avrel 2023

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou ils suandonts projects:

Nr. 2023-2025.000

TCS Camping Disentis, Via Fontanivas 9, 7180 Disentis/Mustér; adattaziun dalla piazza da giug, parcella 2879, Via Fontanivas 9, 7180 Disentis/Mustér.

Nr. 2023-2026.000

Remo Monn, Via Acletta 53, 7180 Disentis/Mustér; ulivaziun da terren, parcelas 149 / 1163/1191 / 1558 / 2395 / 3286, 7180 Disentis/Mustér.

Disentis/Mustér, ils 14 d'avrel 2023

Uffeci da baghegiar Disentis/Mustér



Cussegl da vischnaunca

Il cussegl da vischnaunca seraduna **mardis, ils 18 d'avrel 2023**, allas **19.30** en halla Cons.

Tractandas:

1. Protocol 20-2021/2024
2. Solar Alpin Disentis: Credit per giudicament dil liug (messadi 33-2021/2024)
3. Protocol dil cussegl da vischnaunca: Nova applicaziun davart la redacziun dil protocol
4. Lescha da pumpiers: Revisiun totala e Statuts Pumpiers Sursassiala: Revisiun parziala (messadi 34-2021/2024)
5. Project «la pendenta»: Contribuziun finanziala (messadi 35-2021/2024)
6. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca

Colonna d'agid Mustér

Cuors da reiver per affons

Camp da reiver per affons dalla Colonna d'agid CAS Mustér 2023

Sco gia dapi biars onns meina la Colonna d'agid Mustér atras dus cuors da reiver per affons denter 9 e 16 onns (annadas 2007–2014). Ils cuors han liug el territori da reiver a Lai Alv (2505 m) a Mustér, sisum dil territori da skis. Survigilai ed instrui da menadras e menaders da Giuventetgna e Sport emprendan ils affons semplamein ed en cuminonza igl ir a cuolm.

- Datum: Dumengia – venderdis (1. jamna 16-7. entochen 21-7-2023, 2. Jamna 23-7. entochen 28-7-2023)
- Program: Introducziun egl alpinissem, ir entuorn cun sugas, reiver els curtgins da reiver, sentiment per grep e contuorn, pintga tura sin in péz, flora alpina, encurir cristallas.
- Material che maunca san ins retscheiver dil cuors.
- Cuosts: frs 290.– per affon (cumpriu pensiun cumpleina, material e surnotg a Lai Alv)

Annunzias ei pusseivel naven dils 4 da zercladur 2023 sut laialv@disentis.ch.

Colonna d'agid Mustér

Uniun da pescadurs Rein-miez

Cuors fundamental per pescadurs giuvens/entschaviders 2023

L'Uniun da pescadurs Rein-miez organisescha il cuors obligatoric fundamental per pescadurs novs. Il cuors vegn serraus giu cun gl'attest savida da pescar. Quel lubescha al possesur da'acquistar il patent da pescar el cantun grischun ed en l'entira svizra, nua ch'il «SANA» vegn pretendius. Ils cuosts muntan a frs. 75.– ed includan il gentar cun bubrondas senza il material da scolaziun. Il cuors ha liug:

Sonda, ils 15 d'avrel 2023 en l'aula dalla scoletta a Curaglia

L'annunzia saveis vus far sut l'adressa www.anglerausbildung.ch ni directamein tiel president dall'uniun Placi Flepp 079 406 74 16. Il material da studi anfleis vus sut www.anglerausbildung.ch.

Uniun da pescadurs Rein-miez



Rimnada da pupi

Venderdis, ils 21-4-2023!

Preziadas convischinas, prezias convischins. La rimnada da pupi digl avrel ha liug sco usitau.

Adatg! Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon) Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e buca duront la rimnada.

Bien engraziament per Vies agid e sustegn!

Nossa scola populara Mustér, Ch. Berger.

Cuors da romontsch per affons da 3 entochen 5 onns da lungatg jester

Liug dil cuors:	Disentis/Mustér
Di dil cuors:	mintgamai il mardis
Temps:	8.30–9.20 ad Acletta (bus local stat a disposiziun)
Datum:	12 da settember 2023 entochen il zercladur 2024 (cun excepziun dallas vacanzas da scola)
Menadra dil cuors ed informaziuns:	Andrea Schmed, Disentis/Mustér (079 430 03 72)
Cuosts:	Contribuziun dils geniturs frs. 160.– incl. material (frs. 5.– per lecziun)
Annunzia:	Entochen ils 12 da matg sut admin@disentis.ch ni (081 920 36 36)

Quei cuors vegn sustenius dalla vischnaunca da Mustér e dil cantun. Il cuors vegn menaus enteifer il project «Wunderfitz e Redeblitz» (www.wunderfitzundredeblitz.ch).

Departament da sanadad, scolaziun, cultura e sport

geraua Jris Lombris

Pleiv s. Gions

Radunonza generala, mesjamna, ils 19 d'avrel allas 20.15 en halla Cons.

Tractandas:

1. Beinvegna ed elecziun dils dumbravuschs
 2. Protocol dalla davosa radunonza generala
 3. Rapport dil president
 4. Rapports da quen
 5. Rapport dils revisurs da quen
 6. Revisiun totala dalla constituziun dalla pleiv
 7. Elecziuns:
 - d'in commember da suprastanza
 - d'in revisur da quen
 8. Preventivs
 9. Fixaziun dil pei da taglia
 10. Undraziuns
 11. Orientaziuns
 12. Varia
-



Oz en biblioteca!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin tei!

Cun ils pli cars salids

Mats, la miur ed il team dalla Biblioteca populara Disentis/Mustér e contuorn

TCS-Regionalgruppe Surselva

Einladung zur Generalversammlung am Freitag, 14. April 2023, 19.30 Uhr im Restaurant ARGO Wohnheim Ilanz.

Siehe unter Ilanz

Secziun da catschadurs Péz Alpetta

Super Lotto

Sonda, ils 6 da matg 2023 allas 20.00 el Center Fontauna (sala Fontauna) a Disentis/Mustér. Prevendita naven dallas 18.30. Bus gratuit naven da Flem. Dapli informaziuns sin <https://www.pez-alpetta.ch>

Organisau dalla secziun da catschadurs Péz Alpetta

Uniun da dunnas Disentis/Mustér

A caschun dalla davosa radunonza generala ein las sequenta persuna vegnida elegida;

Leslie Flury, Presidenta (reelegida per dus onns)

Manuela Maissen, Cassiera (reelegida per in onn)

Plinavon ha la radunonza fixau la contribuziun annuala a frs. 20.–. L'unfrenda da sontga Lisabet ei voluntaria. La contribuziun annuala ei da pagar en sin IBAN Nr. CH40 0077 4110 3120 5460 0 cun num e prenum sco remarca.

Cordials salids

La suprastonza

Leslie, Sandra e Manuela

Im Zusammenhang mit der letzten Generalversammlung der Uniun da dunnas ist die folgende Person gewählt worden:

Leslie Flury, Präsidentin (wiedergewählt für 2 Jahre)

Manuela Maissen, Kassierin (wiedergewählt für 1 Jahr)

Weiter wurde an der Generalversammlung der Mitgliederbeitrag auf Fr. 20.– fixiert. Die Spende für die Heilige Lisabet ist Freiwillig. Der Jahresbeitrag kann auf folgende IBAN Nr. CH40 0077 4110 3120 5460 0 einbezahlt werden. Bitte Name und Vorname als Zahlungsgrund vermerken.

Der Vorstand

Leslie, Sandra und Manuela



Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **mardis, ils 18 d'avrel 2023**
Temps: 15.00–16.30
Liug: Casa da scola Segnas, local artgin, ella 1 alzada
Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons
